

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-76/12**  
**Vareš, 29.03. 2012. godine**

**Z A P I S N I K**  
**s 36. sjednice Općinskog vijeća Vareš,**  
**održane 29.02. 2012. godine**

Josip Malbašić – predsjedavajući Općinskog vijeća Vareš, otvorio je 36. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likčić, Ivan Lučić, Josip Malbašić, Željko Matić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

**Odsutni: Nema**

Pored vijećnika sjednici prisustvuju: Općinski načelnik - Hamdo Fatić, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, komunalno-građevinski inspektor–Snježana Kokor, ispred službe za privredu i finansije - Brano Šurkić, predsjednici političkih stranaka i predstavnici OSCE Terenski ured Zenica Johanna Kisielak i Dragan Vuković.

Sekretar Općinskog vijeća izvijestio je Vijeće o realizaciji Zaključaka s 35. sjednice OV održane 30.01.2012. godine i dostavljenim odgovorima na vijećnička pitanja. Općinsko vijeće na 35. sjednici donijelo je 5 Zaključaka. Od tog broja 4 Zaključka su realizovana i 1 Zaključak je u toku realizacije a radi se o usklađivanju Statuta mjesnih zajednica općine Vareš sa Odlukom o izmjenama i dopunama Statuta općine Vareš. Na 35. sjednici OV postavljeno je 6 vijećničkih pitanja. Na 4 vijećnička pitanja nadležni su podnosiocima dostavili odgovor u pisanoj formi a na 2 postavljena vijećnička pitanja, Općinski načelnik je dao usmeni odgovor na 35. sjednici OV.

Općinski načelnik Hamdo Fatić u okviru aktuelne problematike na području općine Vareš, izvijestio je Vijeće o problemima čišćenja snijega, s posebnim akcentom na čišćenje prometnica. Dana 26. 01 2012. godine, Štab civilne zaštite donio je prvu Odluku o proglašenju elementarne nepogode na području općine Vareš i ona je trajala do 31.01.2012. godine. Druga Odluka donesena je 06.02.2012. godine, nakon što je Vlada FBiH proglasila stanje prirodne nesreće. Upoznao je Vijeće sa aktivnostima koje je Štab poduzeo u vezi nastale situacije. Na poslovima čišćenja snijega, pored JKP d.o.o. Vareš, angažovane su i firme BBM Vareš, firma Bosman, Šummex d.o.o. Vareš (za lokalne puteve) i PJ Šumarija iz Olova koja je pročistila put od Duboštica prema Carevoj Čupriji i put iz Očevije prema Križevićima. Po donošenju druge Odluke o proglašenju elementarne nepogode, poslana su molbe za pomoć Kantonalnoj upravi civilne zaštite, Vladi ZE-DO kantona, Federalnoj upravi civilne zaštite, Vladi FBiH, Vladi kantona Sarajevo i svim kolegama u Kantonu Sarajevo, ZE-DO kantonu i Tuzlanskom kantonu. Na poslana molbe za pomoć, do jutros je uplaćeno 53.000 KM (općina Ilijaš 1 tona nafte, općina Breza 2.000 KM, općina Zenica 5.000 KM, općina Žepče 500 KM, općina Usora 500 KM, Kanton Sarajevo 30.000 KM, općina Novo Sarajevo 10.000 KM i općina Stari Grad

Sarajevo 5.000 KM). Napomenuo je da će iznos od 15.000 KM, JKP d.o.o. Vareš fakturirati Kantonalnoj direkciji za ceste. Upoznao je Vijeće o putevima koji još nisu očišćeni i to: put Neprivaj-Draževići u dužini oko 3 km, selo Pajtovići 500 m, Toljenak 1.200 m, Čamovine oko 500 m, selo Radoševići i selo Patkovac. Do danas je procjena da se ti putevi ne trebaju ni čistiti, dok priroda ne uradi svoje, jer su uslovi vrlo teški. Sa svim ljudima postoji veza i kontakt. Izvijestio je Vijeće o prijavljenim štetama u Autotransu na krovu hale u Ponikvi i prijavi šteta na četiri objekta (štale). Nije bilo nekih većih problema oko prevoza ljudi, odnosno izmještanja iz njihovih kuća zbog bolesti i ostalih potreba. Dao je objašnjenje o dostavi hrane i lijekova najugroženijim stanovnicima. Nije bilo problema u vezi napajanja sa električnom energijom, izuzev kratkog prekida električne energije za MZ Borovicu i MZ Ravne. Podsjetio je Vijeće na probleme koji predstoje, a vezani su za otapanje snijega, odnosno poplave. Smatra da ne bi trebalo biti većih problema. Napomenuo je kritične tačke i to: tunel, ulaz Bukovog potoka i Čamilovog potoka u sistem rijeke Stavnje i dio oko jezera Veovača (potrebno je pratiti oborinske vode). Štab civilne zaštite i dalje ima zadatak da prati stanje i da reaguje u datom momentu u okviru raspoloživih sredstava. Podsjetio je na probleme u stambenim objektima u gradu, a u vezi nestanka vode, odnosno smrzavanja vode u cijevima. Upoznao je Vijeće da je do jutros Općina Vareš dobila fakture u iznosu od 203.000 KM, od toga je 80.000 KM utrošeno za naftu i 123.000 KM za radove na čišćenju snijega. Jedan dio iznosa je plaćen i zbog toga nije bilo dovoljno sredstava za isplatu neto plaće za organ uprave, JU Centar za socijalni rad Vareš i JU „Dječije obdanište“ Vareš.

Predsjedavajući OV pozvao je vijećnike koji nisu zadovoljni sa dobivenim odgovorom na vijećnička pitanja ili imaju dopunska pitanja, da se izjasne.

**Vijećnik Elvir Rožajac** - Nije zadovoljan odgovorom koji je dobio na postavljeno vijećničko pitanje na prošloj sjednici OV, vezano za čišćenje snijega sa trotoara u ul. Put mira i traži da se u buduću ozbiljnije pristupi rješavanju ovog problema.

*( V i j e ć n i č k a   p i t a n j a )*

**Majda Muftić**

1. Da li je jutros otišla mašina preko Zvijezde, jer put nije prohodan? Odgovor traži od Općinskog načelnika na današnjoj sjednici.

**Ismet Abdulahović**

2. Traži od Općinskog načelnika da mu se odgovori: Da li je firma JKP d.o.o. Vareš sposobna da obavlja poslove održavanja lokalnih puteva općine Vareš u ukupnoj dužini od 170 km?

**Mato Pavić**

3. Kada će se napokon odblokirati dijelovi puta za Radoševiče, put za Donju Vijaku, dijelovi puta za MZ Pogar i Očevije? Pitanje postavljeno u ime građana.

**Tajiba Brkić**

4. Da li će se moći izvršiti uvid u oštećenja na javnim objektima (napominje oštećenje na fasadi JU Dm zdravlja Vareš, na terenskim ambulancama posebno na terenskoj ambulanci u MZ Ravne)?

**Elvir Rožajac**

5. Zašto se prepumpavanje vode iz Vareša za Vareš Majdan, ne vrši u dane vikenda i tko će nadoknaditi ogromne štete koje su nastale zbog zavrtnja vode građanima Vareša?
6. Kako neko može naplaćivati naknadu za odvoz smeća, kada kontejneri nisu bili praznjeni 2-3 mjeseca (napominje MZ Ravne). Moli da mu se odgovori i da se tim ljudima ne vrši naplata naknade za smeće za te mjesece, jer u tom periodu odvoz smeća nije ni vršen?

## **Nihad Parić**

7. Pitanje se odnosi na nagomilani snijeg ispred D-blokova ul. Put mira i u vezi s tim traži da se interveniše i da se snijeg odveze ispred D-blokova, jer je voda već počela ulaziti u podrum zgrada?

Predsjedavajući OV stavio je na raspravu zapisnik sa 35. sjednice OV .

Nije bilo primjedbi i predsjedavajući OV stavio je na izjašnjanje zapisnik sa 35. sjednice OV i nakon izjašnjanja vijećnika konstatovao da je **zapisnik sa 35. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 36. sjednicu OV.

Nije bilo primjedbi niti prijedloga za izmjenu ili dopunu dnevnog reda 36. sjednice OV.

Predsjedavajući OV stavio je na izjašnjanje prijedlog dnevnog reda iz poziva za 36. sjednicu OV i nakon izjašnjanja konstatuje da je **jednoglasno usvojen s l i j e d e ć i**

### *Dnevni red*

1. **Prijedlog Odluke o utvrđivanju visine naknade za osiguranje sredstava Općinskog fonda za vatrogastvo, na području općine Vareš.**
2. **Nacrt Odluke o općinskim priznanjima i postupku njihove dodjele.**
3. **Prijedlog Rješenja:**
  - a) **o izmjeni Rješenja o izboru članova Komisije za zaštitu ljudskih prava i sloboda, predstavke, pritužbe, prijedloge i jednakopravnost spolova,**
  - b) **o izmjeni Rješenja o izboru članova Komisije za izbor i imenovanja.**
4. **Prijedlog Rješenja o imenovanju Komisije za stručnu ocjenu zahtjeva za izdavanje urbanističke saglasnosti.**
5. **Izvještaj o realizaciji Programa rada Općinskog vijeća Vareš za 2011. godinu.**
6. **Izvještaj o realizaciji Strategije razvoja (2006-2015) Općine za period od 2006-2012.**
7. **Izvještaj Općinskog načelnika o korištenju budžetskih sredstava za 2009. 2010. i 2011 godinu.**
8. **Izvještaj o radu komunalno-građevinskog inspektora za 2011. godinu.**
9. **Informacija o projektima obnove stambenih objekata na području općine Vareš u 2011. godini.**
10. **Informacija o stanju u oblasti prevoza u lokalnom i međugradskom saobraćaju na području općine Vareš.**
11. **Tekuća pitanja.**

## Ad. 1.

*(Prijedlog Odluke o utvrđivanju visine naknade  
za osiguranje sredstava Općinskog  
fonda za vatrogastvo na području općine Vareš.)*

Komisija za statutarna pitanja i propise na 28. sjednici, održanoj 21.02.2012. godine jednoglasno je donijela slijedeći Zaključak:

- **Komisija za statutarna pitanja i propise prihvata iznesene sugestije i nema drugih primjedbi na Prijedlog Odluke o utvrđivanju visine naknade za osiguranje sredstava Općinskog fonda za vatrogastvo na području općine Vareš, te predlaže OV da isti usvoji.**

Ispred predlagača Željko Franjić dao je kratko objašnjenje za ovu tačku dnevnog reda.

Otvorena je rasprava u kojoj je svoje primjedbe, prijedloge i mišljenja iznio vijećnik Nihad Parić i predsjedavajući OV.

Željko Franjić pomoćnik načelnika dao je dodatno pojašnjenje i odgovorio na pitanja postavljena u raspravi.

Predsjedavajući OV podsjetio je Vijeće da se o primjedbama vijećnika Nihada Parić, Vijeće ne može izjašnjavati jer nisu dostavljeni u formi amandmana i da vijećnik, ako nije zadovoljan, ima mogućnost da pripremi inicijativu za izmjenu ove Odluke.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju visine naknade za osiguranje sredstava Općinskog fonda za vatrogastvo na području općine Vareš.

Nakon izjašnjavanja vijećnika predsjedavajući je konstatovao da je sa **15 glasova „ZA“, 1 glasom „PROTIV“ i 3 „SUZDRŽANA“ glasa usvojena**

***Odluka o utvrđivanju visine naknade  
za osiguranje sredstava Općinskog  
fonda za vatrogastvo na području općine Vareš.***

## Ad. 2.

*(Nacrt Odluke o općinskim  
priznanjima i postupku njihove dodjele.)*

Komisija za statutarna pitanja i propise na 28. sjednici, održanoj 21.02.2012. godine jednoglasno je donijela slijedeći Zaključak:

- **Komisija za statutarna pitanja i propise nema primjedbi na Nacrt Odluke o općinskim priznanjima i postupku dodjele priznanja, s tim da se u nacrtu uradi tehnička ispravka, te predlaže OV da prihvati Nacrt odluke u predloženom tekstu.**

Ispred predlagača Čedomir Jelić upoznao je prisutne sa tehničkom greškom u članu 10. stav 3. i izjasnio se da će nakon rasprave po ovoj tački dnevnog reda, ako bude prijedloga dati dodatno objašnjenje-usaglašavanje.

Otvorena je rasprava u kojoj su prijedloge i mišljenja iznijeli vijećnik: Elvir Rožajac i predsjednik političke stranke Zdravko Marošević.

Vijećnik Elvir Rožajac izjasnio se da povlači svoj prijedlog iznesen u raspravi, a u vezi člana 14. stav 3. da se riječi „političke stranke“ zamijene riječima „sve političke stranke koje participiraju u općinskoj vlasti“.

Zaključena je rasprava i predsjedavajući OV predložio je slijedeći

**Zaključak:**

- **Utvrđuje se Nacrt Odluke o općinskim priznanjima i postupku njihove dodjele.**
- **Nacrt Odluke upućuje se na javnu raspravu u trajanju od 30 dana.**
- **Zadužuje se Općinski načelnik i nadležna služba za upravu da provedu javnu raspravu sukladno aktima Općinskog vijeća.**
- **Prijedloge i sugestije s javne rasprave, predlagač će uzeti u razmatranje kod izrade prijedloga Odluke. Po završenoj raspravi, predlagač će sačiniti prijedlog Odluke i Izvješće o sprovedenoj raspravi.**
- **Zaključak stupa na snagu danom donošenja.**

Nakon izjašnjavanja vijećnika predsjedavajući OV je konstatovao da je sa **19 glasova „ZA“ usvojen predloženi Zaključak.**

**Ad. 3.**

*(Prijedlog Rješenja:*

*a) o izmjeni Rješenja o izboru članova Komisije za zaštitu ljudskih prava i sloboda, predstavke, pritužbe, prijedloge i jednakopravnost spolova*

*b) o izmjeni Rješenja o izboru članova Komisije za izbor i imenovanje.)*

Komisija za izbor i imenovanje na 9. sjednici održanoj 29.02.2012. godine jednoglasno je donijela slijedeći stav

- **U skladu sa članom 36., 44., 145. i 146. Poslovnika o radu OV Vareš-Prečišćeni tekst, Komisija jednoglasno predlaže OV da donese Rješenje o izmjeni Rješenja o izboru članova Komisije za zaštitu ljudskih prava i sloboda, predstavke, pritužbe, prijedloge i jednakopravnost spolova, kao u prilogu ovog Zapisnika.**

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o izmjeni Rješenja o izboru članova Komisije za zaštitu ljudskih prava i sloboda, predstavke, pritužbe, prijedloge i jednakopravnost spolova.

Nakon izjašnjavanja vijećnika predsjedavajući OV je konstatovao da je sa **18 glasova „ZA“ i 1 „SUZDRŽANIM“ glasom usvojeno**

*Rješenje o izmjeni Rješenja o izboru članova Komisije za zaštitu ljudskih prava i sloboda, predstavke, pritužbe, prijedloge i jednakopravnost spolova.*

Komisija za izbor i imenovanje na 9. sjednici održanoj 29.02.2012. godine jednoglasno je donijela slijedeći stav

- **U skladu sa članom 36., 44., 145. i 146. Poslovnika o radu OV Vareš-Prečišćeni tekst, Komisija jednoglasno predlaže OV da donese Rješenje o izmjeni Rješenja o izboru članova Komisije za izbor i imenovanje, kao u prilogu ovog Zapisnika.**

Predsjedavajući OV stavio je na izjašnjanje Prijedlog Rješenja o izmjeni Rješenja o izboru članova Komisije za izbor i imenovanje, te nakon izjašnjanja vijećnika konstatuje da je sa **18 glasova „ZA“ i 1 „SUZDRŽANIM“ glasom usvojeno**

*Rješenje o izmjeni Rješenja o izboru članova Komisije za izbor i imenovanje.*

#### **Ad. 4.**

*(Prijedlog Rješenja o imenovanju Komisije za stručnu ocjenu zahtjeva za izdavanje urbanističke saglasnosti.)*

Komisija za izbor i imenovanje na 9. sjednici održanoj 29.02.2012. godine jednoglasno je donijela slijedeći stav

- **U skladu sa članom 44., 145. i 146. Poslovnika o radu OV Vareš-Prečišćeni tekst, Komisija jednoglasno predlaže OV da donese Rješenje o imenovanju Komisije za stručnu ocjenu zahtjeva za izdavanje urbanističke saglasnosti, kao u prilogu ovog Zapisnika.**

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Rješenja o imenovanju Komisije za stručnu ocjenu zahtjeva za izdavanje urbanističke saglasnosti.

Nakon izjašnjanja vijećnika, predsjedavajući OV konstatuje da je sa **19 glasova „ZA“ usvojeno**

*Rješenje o imenovanju Komisije za stručnu ocjenu zahtjeva za izdavanje urbanističke saglasnosti.*

#### **Ad.5.**

*(Izveštaj o realizaciji Programa rada Općinskog vijeća Vareš za 2011. godinu.)*

Sekretar OV Leon Pavlović dao je obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Izveštaj o realizaciji Programa rada Općinskog vijeća Vareš za 2011. godinu.

Nakon izjašnjanja vijećnika, predsjedavajući OV konstatuje da je sa **17 glasova „ZA“ i 2 „SUZDRŽANA“ glasa usvojen**

*Izveštaj o realizaciji Programa rada Općinskog vijeća Vareš za 2011. godinu.*

#### **Ad. 6.**

*(Izveštaj o realizaciji Strategije razvoja (2006-2015) Općine za period od 2006-2012.)*

Predlagač nije imao potrebu za dodatnim obrazloženjem.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac i Ivan Lučić.

Nije više bilo učesnika u raspravi i predsjedavajući OV pozvao je Općinskog načelnika da se izjasni o prijedlozima i primjedbama iznesenim u raspravi.

Na zahtjev Općinskog načelnika, predsjedavajući OV dao je pauzu u trajanju od 15 minuta.

Nastavljeno je sa radom i Općinski načelnik izjasnio se da tačku Izvještaj o realizaciji Strategije razvoja (2006-2015) Općine za period od 2006-2012 povlači sa dnevnog reda današnje sjednice i da će Vijeću biti dostavljena na razmatranje na sjednici koja će se održati u aprilu mjesecu tekuće godine.

#### **Ad. 7.**

*(Izvyještaj Općinskog načelnika o korištenju budžetskih sredstava za 2009., 2010. i 2011. godinu.)*

Komisija za privredu, finansije i budžet na 19. sjednici održanoj 27.02. 2012. godine jednoglasno je donijela Zaključke:

- 1. Komisija je razmotrila dostavljeni materijal i mišljenja je da u oblasti plaćanja izvršenih poslova, nije vršeno sukladno Pravilnicima organa Općine Vareš i pozitivnim zakonskim propisima.**
- 2. Komisija je mišljenja da ovaj materijal prije spada u djelokrug rada Komisije za statutarna pitanja i propise.**
- 3. Komisija će o korištenju budžetskih sredstava za 2011. godinu, raspravljati u okviru razmatranja Izvještaja o izvršenju budžeta za 2011. godinu.**
- 4. Preporučujemo Općinskom vijeću da se ova tačka skine sa dnevnog reda 36. sjednice OV, a da se naloži Općinskom načelniku da ovu problematiku raspravi sa zaposlenicima u okviru organa uprave.**

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Ivan Lučić, Džemo Kevrić, Elvir Rožajac, Ismet Abdulahović, Željko Matić, Jasmin Salketić, Mato Pavić, Jelena Zlobec, predsjedavajući OV Josip Malbašić, sekretar OV Leon Pavlović, predsjednik političke stranke Zdravko Marošević i Općinski načelnik Hamdo Fatić koji je dao dodatna objašnjenja za pojedine primjedbe vijećnika iznesene u raspravi i izjasnio se da smatra da nije izlazio iz okvira Pravilnika o plaćama prilikom isplata naknada za poslove navedene u Izvještaju.

Zaključena je rasprava i predsjedavajući OV, na osnovu rasprave vođene po ovoj tački dnevnog reda, predložio je slijedeći

#### **Zaključak:**

- Cijeneći da u situaciji kada u općinskom organu ima viška uposlenih, ne postoji opravdanje za dopunskim radom, prekovremenim radom, Općinsko vijeće traži od Općinskog načelnika da sa ovakvom praksom prekine odmah i da pristupi dosljednoj primjeni Zakona i odluka Općinskog vijeća Vareš.**

Nakon izjašnjenja vijećnika predsjedavajući OV konstatuje da je sa **15 glasova «ZA»** i **5 „SUZDRŽANIH „** glasova usvojen predloženi Zaključak.

#### **Ad. 8.**

*(Izvještaj o radu komunalno-građevinskog inspektora za 2011. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Elvir Rožajac, Jasmin Salketić, Nikola Šimić, Ismet Abdulahović, Nihad Parić, Ivan Lučić, Džemo Kevrić i Tajiba Brkić.

Komunalno-građevinski inspektor Snježana Kokor dala dodatna objašnjenja i odgovorila na postavljena pitanja vijećnika u raspravi.

Zaključena je rasprava i predsjedavajući OV stavio je na izjašnjavanje Izvještaj o radu komunalno-građevinskog inspektora za 2011. godinu.

Nakon izjašnjavanja vijećnika predsjedavajući OV konstatuje da je **sa 21 glasom «ZA» usvojen**

***Izvještaj o radu komunalno-građevinskog inspektora za 2011. godinu.***

#### **Ad. 9.**

*(Informacija o projektima obnove stambenih objekata na području općine Vareš u 2011. godini.)*

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV predložio je Vijeću da primi k znanju Informaciju o projektima obnove stambenih objekata na području općine Vareš u 2011. godini.

Nakon izjašnjavanja vijećnika predsjedavajući OV konstatuje da sa **21 glasom „ZA“ primljena k znanju**

***Informacija o projektima obnove stambenih objekata na području općine Vareš u 2011. godini.***

#### **Ad. 10.**

*(Informacija o stanju u oblasti prevoza u lokalnom i međugradskom saobraćaju na području općine Vareš.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je svoje primjedbe, prijedloge, sugestije i mišljenja iznijeli vijećnici: Mario Mirčić, Majda Muftić, Mato Pavić, Tajiba Brkić, Džemo Kevrić, Elvir Rožajac i Nikola Šimić.

Zaključena je rasprava i predsjedavajući OV predložio je Vijeću da primi k znanju Informaciju o stanju u oblasti prevoza u lokalnom i međugradskom saobraćaju na području općine Vareš.

Nakon izjašnjavanja vijećnika predsjedavajući OV konstatovao je da je **jednoglasno primljena k znanju**

***Informacija o stanju u oblasti prevoza u lokalnom i međugradskom saobraćaju na području općine Vareš.***



## Ad. 11.

(Tekuća pitanja.)

1. Predsjedavajući OV upoznao je prisutne da je Drugostepena upravna komisija na 11. sjednici održanoj 02.02. 2012. godine jednoglasno donijela Inicijativu-stav u kojoj se sugeriše Općinskom vijeću da razmotri Odluku o građevinskom zemljištu broj: 01-147/04. od 22.09.2004. godine, da se obrati pažnja i preispitaju sve zone gradskog građevinskog zemljišta navedene u članu 9. Odluke.  
Otvorena je rasprava u kojoj je učestvovala vijećnica Dženana Bešić.

Zaključena je rasprava i predsjedavajući OV predložio je slijedeći

### Zaključak:

- **Općinsko vijeće prihvata Inicijativu (stav) Drugostepene upravne komisije sa 11. sjednice održane 02.02.2012. godine, i nalaže se nadležnim službama preispitivanje Odluke o građevinskom gradskom zemljištu broj: 01-147/04. od 22.09.2004. godine, a u vezi preispitivanja svih zona gradskog građevinskog zemljišta koje su navedene u članu 9. navedene Odluke.**

Nakon izjašnjavanja vijećnika predsjedavajući OV je konstatovao da je **jednoglasno usvojena Inicijativa Drugostepene upravne komisije i predloženi Zaključak.**

2. Vijećnik Mato Pavić dao je komentar na dio izlaganja Općinskog načelnika pod tačkom Aktuelna problematika u vezi nedavne elementarne nepogode koja je zadesila općinu Vareš, a odnosi se na čišćenje pojedinih lokalnih puteva. Napominje da je dobio informaciju da nisu očišćeni putevi na prostoru MZ Vijaka i to: Radoševići, Donja Vijaka, Tribija, dio puta za Očeviju, Višnjići, dijelovi Pogari, Selakovo, Zaruđe i dio Borovice. Naglašava da neki mještani u tim naseljima imaju potrebu da odu na liječničke kontrole i potrebu za kupovinom hrane, ali nisu u mogućnosti jer putevi nisu prohodni. Traži od Općinskog načelnika da se izjasni o ovom problemu i odgovori kada će putevi za spomenuta naselja biti očišćena. Isto tako traži od Štaba civilne zaštite da do slijedeće sjednice, Vijeću dostavi informaciju koliko je bilo intervencija u vrijeme zadnje elementarne nepogode i do kojeg mjesta.

Općinski načelnik Hamdo Fatić zamolio je mještane u Radoševićima, Lazetovici i Patkovcu za strpljenje i napomenuo da je puteve do tih naselja trenutno nemoguće očistiti, da se sačeka par dana (7 dana) dok se snijeg malo ne otopi i tada bi se krenulo sa raščišćavanjem puteva. Naglasio je da oni kojima je potrebna pomoć u hrani ili lijekovima, postoji način da im se to i dostavi.

Otvorena je rasprava u kojoj su svoje primjedbe i mišljenja iznijeli vijećnici: Mato Pavić, Ivan Lučić, Majda Muftić, Nikola Šimić, Jasmin Salketić i predsjedavajući OV.

Zaključena je rasprava i predsjedavajući OV je na osnovu diskusije vođene u raspravi predložio slijedeći

### Zaključak:

- **Obavezuje se Općinski načelnik, da po svaku cijenu, nastavi sa deblokadom naselja na području općine Vareš, koja do sada nisu deblokirana.**

Nakon izjašnjavanja vijećnika predsjedavajući OV konstatovao je da je sa **15 glasova „ZA“ usvojen predloženi Zaključak.**

3. Vijećnik Džemo Kevrić moli Općinskog načelnika, Stručnu službu OV i ON i predsjedavajućeg OV da poduzmu sve aktivnosti u vezi donošenja Odluke o obilježavanju državnih praznika. Ispred Kluba BPS čestitao je svima 1.mart - Dan nezavisnosti BiH.

Predsjedavajući OV u ime Općinskog vijeća i u svoje lično ime, svim građanima općine Vareš čestitao je 1. mart - Dan nezavisnosti BiH.

Sjednica je završena u 13 sati i 30 minuta.

**S E K R E T A R**

*Leon Pavlović*

**PREDSJEDAVAJUĆI**

*Josip Malbašić*

**ZAPISNIČAR**

*Azra Ibrahimović*